



Broj: 02-45-2326/25-AP-2
Datum: 11.12.2025. godine

Na osnovu Zakona o ministarskim, vladinim i drugim imenovanjima vlade Bosne i Hercegovine („Službene novine FBiH“, broj: 12/03, 34/03 i 65/13), člana 26. stav (1) tačka 8. Statuta „Razvojne agencije Zavidovići“ d.o.o. Zavidovići, broj: 7-S/23 od 23.01.2023. godine, Gradsko vijeće Grada Zavidovići, na __. sjedinici održanoj dana __. __. ____, donosi

ODLUKA
o standardima i kriterijima za imenovanje
u Nadzorni odbor Razvojne agencije Zavidovići d.o.o. Zavidovići

I – OPĆE ODREDBE

Član 1.
(Predmet regulisanja)

Ovom Odlukom utvrđuju se standardi i kriteriji za imenovanje na upražnjenu poziciju članova Nadzornog odbora Razvojne agencije Zavidovići d.o.o. Zavidovići (U daljem tekstu: Nadzorni odbor Razvojne agencije).

**II – USLOVI ZA IMENOVANJE PREDSJEDNIKA
I ČLANOVA NADZORNOG ODBORA RAZVOJNE AGENCIJE**

Član 2.
(Opći uslovi za imenovanje)

Opšti i posebni uslovi za izbor i imenovanje članova Nadzornog odbora Razvojne agencije propisani su u skladu sa Zakonom o ministarskim, vladinim i drugim imenovanjima Vlade Federacije Bosne i Hercegovine („Službene novine FBiH“, broj: 34/03, 65/13).

A) Opći uslovi za imenovanje na pozicije predsjednika i članova Nadzornog odbora Razvojne agencije su:

1. Da je državljanin Bosne i Hercegovine,
2. Da je stariji od 18 (osamnaest) godina,
3. Da nije otpušten iz državne službe kao rezultat disciplinske mjere (bilo na nivou države ili entiteta), u periodu od 3 (tri) godine prije dana objavljivanja upražnjene pozicije,
4. Da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
5. Da se protiv njega ne vodi krivični postupak,
6. Da nije u funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH,

7. Da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji BiH („Službene novine Federacije BiH,, broj: 70/08),
8. Da nema privatni finansijski interes u instituciji u koju se kandiduje,
9. Da nije osuđen za krivično djelo nespojivo s dužnošću u nadzornom odboru društva, pet godina od dana pravosnažnosti presude,
10. Da nije stariji od 70 godina na dan imenovanja,
11. Da ne postoje druge zakonske smetnje za obavljanje poslova iz nadležnosti Nadzornog odbora.

Član 3. (Posebni uslovi za imenovanje)

Posebni uslovi za imenovan na upražnjene pozicije predsjednika i članova Nadzornog odbora Razvojne agencije su:

1. VSS – VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova ekonomske, pravne ili tehničke struke,
2. 3 (tri) godine radnog staža u struci,
3. Da uživaju ugled u lokalnoj zajednici,
4. Da nije član u više od jednog upravnog, nadzornog, ili odbora za reviziju,
5. Sposobnost za savjesno, odgovorno i odlučno obavljanje upražnjene pozicije,
6. Sposobnost nepristrasnog donošenja odluka,
7. Komunikacijske i organizacijske sposobnosti,
8. Sposobnost tumačenja ekonomskih, tehnoloških i pravnih analiza i propisa,
9. Rezultati rada ostvareni tokom poslovne karijere,
10. Preporuke ranijih neposrednih rukovodilaca.

III – POSTUPAK POPUNE UPRAŽNJENIH POZICIJA PREDSJEDNIKA I ČLANOVA NADZORNOG ODBORA RAZVOJNE AGENCIJE

Član 4. (Imenovanje i razrješenje)

Predsjednika i članove Nadzornog odbora Razvojne agencije imenuje i razrješava Skupština društva.

Član 5. (Raspisivanje javnog oglasa)

Odluku o raspisivanju javnog oglasa za popunu upražnjenih pozicija iz člana 2. ove Odluke donosi gradonačelnica u skladu sa Zakonom o ministarskim, vladinim i drugim imenovanjima Federacije Bosne i Hercegovine na prijedlog Službe za upravu privrede, lokalni razvoj, infrastrukturu i međunarodnu saradnju.

Član 6.
(Trajanje mandata i sukob interesa)

- (1) Predsjednik i članovi Nadzornog odbora Razvojne agencije imenuju se na period od četiri godine.
- (2) U slučaju prestanka obavljanja dužnosti predsjednika ili člana Nadzornog odbora Razvojne agencije prije isteka perioda od četiri godine na koji je imenovana, popunjavanje upražnjene pozicije vrši se na period do kraja perioda na koji je imenovan Nadzorni odbor.
- (3) Predsjednik i članovi Nadzornog odbora Razvojne agencije dužni su potpisati izjavu o nepostojanju sukoba interesa prije preuzimanja funkcije.

Član 7.
(Komisija za izbor)

- (1) Za sprovođenje postupka imenovanja na upražnjene pozicije u regulirane organe utvrđene članom 2. ove Odluke imenuje se Komisija za izbor.
- (2) Komisiju za izbor imenuje Gradsko vijeće Zavidovići na prijedlog gradonačelnice.
- (3) Komisija za izbor se sastoji od pet (5) članova, a imenuje se u skladu sa kriterijima utvrđenim članom 9. Zakona o ministarskim, vladinim i drugim imenovanjima.
- (4) Komisija za izbor u okviru svojih nadležnosti:
 - a) vrši pregled prijava kandidata,
 - b) sastavlja listu s užim izborom najboljih kandidata koji ispunjavaju kriterije za imenovanje, u skladu sa odredbom člana 10. Zakona o ministarskim, vladinim i drugim imenovanjima FBiH,
 - c) provodi intervju sa kandidatima koji su ušli u užu izbor, u skladu sa članom 11. Zakona o ministarskim, vladinim i drugim imenovanjima FBiH,
 - d) dostavlja posebne obrasce kandidatima koji su ušli u užu izbor,
 - e) predlaže Gradskom vijeću putem pisane preporuke rang-listu najboljih kandidata, na daljnje razmatranje,
 - f) Vršiti i druge poslove koji proizilaze iz Zakona i ove Odluke.

IV – OSTALE ODREDBE

Član 8.
(Broj i sastav Nadzornog odbora agencije)

- (1) Predsjednik i dva člana Nadzornog odbora Razvojne agencije imenuju se na period od 4 godine, sa mogućnošću ponovnog izbora.
- (2) Predsjednik i dva člana Nadzornog odbora Razvojne agencije dužni su potpisati izjavu o nepostojanju sukoba interesa prije preuzimanja funkcije.

Član 9.
(Evidencije)

Evidenciju o predsjednicima i članovima Nadzornog odbora Razvojne agencije, trajanju mandata, isteku mandata, kao i drugih pitanja iz ove Odluke, vodi Služba za upravu privrede, lokalni razvoj, infrastrukturu i međunarodnu saradnju.

V – ZAVRŠNE ODREDBE

Član 10. (Stupanje na snagu)

Ova Odluka stupa na snagu prvog narednog dana nakon objavljivanja u „Službenom glasniku Grada Zavidovići“.

PREDSJEDAVAJUĆA
GRADSKOG VIJEĆA

Hadžić dr. Amira, spec. radiolog

OBRAZLOŽENJE

PRAVNI OSNOV ZA DONOŠENJE ODLUKE

U članu 7. stav (2) Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, broj: 12/03, 34/03 i 65/13) propisano je: „Osim ovih općih uslova, u svrhu određivanja osnove za izbor prema kvalitetu, odgovorni javni službenik će utvrditi standard za izbor i ocjenjivanje u smislu stepena obrazovanja, znanja, iskustva, poznavanja stranih jezika i drugog, što je, po njegovom mišljenju, neophodno ili poželjno s obzirom na prirodu poslova koje treba obavljati”.

RAZLOZI DONOŠENJA ODLUKE

Jedan od ranije imenovanih članova Nadzornog odbora Razvojne agencije Zavidovići d.o.o. Zavidovići podnio je ostavku na ovu funkciju, čime je nastalo upražnjeno mjesto u sastavu Nadzornog odbora. Obzirom na potrebu da se Nadzorni odbor Razvojne agencije popuni i omogući njegovo nesmetano i zakonito funkcionisanje, bilo je neophodno pristupiti donošenju ove Odluke o standardima i kriterijima za imenovanje u Nadzorni odbor Razvojne agencije Zavidovići d.o.o. Zavidovići. Donošenjem ove Odluke stvaraju se zakonske pretpostavke za raspisivanje javnog oglasa i provođenje transparentnog, objektivnog i zakonitog postupka izbora i imenovanja novog člana Nadzornog odbora, u skladu sa Zakonom o ministarskim, vladinim i drugim imenovanjima Vlade Federacije Bosne i Hercegovine („Službene novine Federacije BiH“, broj: 12/03, 34/03 i 65/13).

FINANSIJSKA SREDSTVA POTREBNA ZA PROVOĐENJE ODLUKE

Za provođenje ove Odluke nije potrebno planirati sredstva u Budžetu Grada Zavidovići.

GRADONAČELNICA

mr. iur. Erna Merdić Smailhodžić

Akt pripremila: _____
(Aida Husić Mujanović)

Akt pregledao: _____
(Almir Mustafić)

Akt pregledala: _____
(Džeraldina Miličević)

Akt pregledao: _____
(Nermin Čahtarević)